

Zvonko Marić  
Zastupnik SBB BIH

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO  
n/r Vlada Kantona Sarajevo  
n/r Zavod zdravstvenog osiguranja Kantona Sarajevo

Sarajevo, 25.09.2019

Nedavno je u medijima (zurnal.ba) objavljen niz tekstova o nemoralnim (a vjerovatno i nezakonitim) dešavanjima u Zavodu zdravstvenog osiguranja Kantona Sarajevo, tokom mandata bivšeg direktora Samira Turkovića, u kojima je centralnu ulogu imao glavni revizor ZZO KS, istovremeno i član Tima za borbu protiv korupcije u KS. Stoga molim Vladu KS da mi odgovori šta će učiniti vezano za ovo pitanje, prevashodno u pogledu njegovog daljnjeg angažmana u Timu za borbu protiv korupcije KS, jer je očigledno da je ozbiljno narušen i kompromitovan integritet glavnog revizora ZZO KS Muamera Kosovca, koji je istovremeno i član vrlo osjetljivog segmenta, kakav je Tim za borbu protiv korupcije?

Cilj ovog zastupničkog pitanja je da Vlada KS pomoću mehanizama koje ima na raspolaganju provjeri sve ove navode kako bi izbjegla moguću kompromitaciju i Tima za boru protiv korupcije KS ali i sebe same.

Od Zavoda zdravstvenog osiguranja KS tražim da me obavijesti da li su već poduzete neke radnje kako bi se umanjila šteta s obzirom da je jasno kako je objektivnost i integritet ugovorenih eksternih revizija koje su obavljanje u posljednje tri godine u ZZO KS ozbiljno dovedene u pitanje zbog jasno opisane veze na relaciji glavni revizor Zavod – eksterni revizori. Ako nisu još, kada će biti poduzete?

Također, da li su već poduzete neke radnje (prije svega na kadrovskoj reorganizaciji) s obzirom da je zbog silnih beneficija koje je uživao glavni revizor ozbiljno kompromitovan rad interne revizije ZZO KS u toku mandata bivšeg direktora Turkovića - i ako nisu kada će biti poduzete?

Pored ovoga, želim da mi se dostavi i odgovor da li je glavni revizor ZZO KS ikada prijavio bilo kakav sukob interesa, što je bio dužan i prema članu 14. Zakon o internoj reviziji FBiH?

Također, molim da mi se odgovori kakve su to preraspodjele kadra između MUP-a i ZZO KS i da li su one uopće zakonite i s kojim ciljem su vršene? Na temelju čega je imenovani zaposlen u ZZO KS i na koncu da mi se dostave dokumenti na osnovu kojih je izvršena ta „preraspodjela“ kadra.

Zastupnik SBB u SKS  
Zvonko Marić